

Broj: 01/1- ____/21
Kakanj, __.04.2021.godine

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj: 49/06, 51/09), člana 24. Statuta općine Kakanj ("Službene novine Općine Kakanj", broj: 4/08) i člana 94. Poslovnika o radu Općinskog vijeća ("Službene novine Općine Kakanj", broj: 6/11, 4/16 i 6/16), Općinsko vijeće na __ sjednici, održanoj dana __.04.2021.godine, **donosi**

O D L U K U

o umanjenju naknade na ime korištenja javne površine za ljetne bašte, na području općine Kakanj za 2021.godinu radi trajanja pandemije (COVID 19)

Član 1.

Poslovnim subjektima, pravnim i fizičkim licima koji obavljaju ugostiteljsku djelatnost, a koriste javnu površinu za ljetnu baštu umanjuju se troškovi na ime naknade korištenja javne površine za ljetne bašte, na području općine Kakanj, utvrđene Odlukom o komunalnom redu ("Službene novine općine Kakanj", broj: 9/13, 5/15 i 3/17) i Tarifnikom o visini naknade za korištenje javnih površina ("Službene novine općine Kakanj", broj: 3/13, 12/13 i 5/14), u iznosu od 50% od stvarno utvrđene naknade i to za 2021.godinu radi trajanja pandemije (COVID 19).

Član 2.

Umanjenje troškova naknade navedene u članu 1. ove Odluke važi za 2021.godinu.

Član 3.

Ova Odluka stupa na snagu danom donošenja, a naknadno će se objaviti u "Službenim novinama Općine Kakanj".

PREDSJEDAVAJUĆI OPĆINSKOG VIJEĆA

Slaven Katičić

O B R A Z L O Ž E N J E

Na području Federacije BiH, kao i općine Kakanj u proteklom periodu došlo je do proglašenja stanja nesreće, odnosno pandemije (COVID 19). S toga je došlo do smanjenja obima posla većeg broja poslovnih subjekata, na području općine Kakanj, koji obavljaju ugostiteljske djelatnosti, a koriste javnu površinu za ljetne bašte i za istu plaćaju naknadu. Također zbog epidemioloških mjera umanjen je broj korisnika ugostiteljskih usluga koji mogu boraviti na određenom prostoru. Ovom Odlukom nastoji se omogućiti ugostiteljskim objektima i da za isti iznos sredstava, tamo gdje je to moguće, zakupe veću površinu na kojoj bi mogli imati dovoljan broj korisnika usluga za redovno poslovanje i ispoštovati epidemiološke mjere. S toga se predlaže umanjenje naknade na ime korištenja javne površine za ljetne bašte na području općine Kakanj, utvrđene Odlukom o komunalnom redu ("Službene novine Općine Kakanj", broj: 9/13, 5/15 i 3/17) i Tarifnikom o visini naknade za korištenje javnih površina ("Službene novine Općine Kakanj", broj: 3/13, 12/13 i 5/14). Umanjenje naknade iznosi 50% od stvarno utvrđene naknade i važi za 2021.godinu.

Ova Odluka je jedna od podsticajnih mjera poslovnim subjektima u saniranju posljedica nastalih pojavom pandemije.

PREDLAGAČ
OPĆINSKI NAČELNIK

OBRADIVAČ
SLUŽBA ZA PRIVREDU, URBANIZAM I
ZAŠTITU OKOLINE